

I ofizi de comun resta stluc inant. l'azes por le publich por caji de nezescitè y por sorvisc essenziail vègn concedù sòn prenotaziun por telefon 0474 523125 resp. e-mail info@comun.sanmartindetor.bz.it. I ofizi pó gní contatà ti orars sciöche zënza dales 8.00 - 12.30 y dales 14.00 - 17.30

L'implant de reziclaie Alfur é indò davert (cun les precauziuns scrites dant).

PLOANIES DA SAN MARTIN Y LUNGIARÜ

Siur Heinrich Perathoner dij vigni dé mëssa te calonia stlojon ite dōta la comunité.

Al vègn perié da jí te dlíia da susc y nia te n grup, cun manèces y maschera. Dales funziuns resta la dlíia stlūta. - Da bagné te cortina tolésse do na sprinza.

Por mësses dl ann telefonede o menede n sms a Christian (por Lungiarü) 389 29 00 000 y a Romi (por San Martin) 339 71 64 521.

La Diozeja á mené fora na lëtra comunican che dai 4 de ma inant pó gní tigní funziuns/mësses de sopoltōra cun la partezipaziun de nia deplū co 15 parënc; chisc mës sté intant danciará y ne pó nia avèi borjú o d'atri sintoms dla coia o avèi albū contat ultimamënter cun jënt che á la coia. La comuniun pó ma gní partida fora sot a condiziuns particulares. I libri te dlíia ne dess nia gní tuc tles mans. Ci che vègn pié ite de dlíia dess dedò gní dejinfeté. Do les funziuns te dlíia dessel gní daurí i üsc y lascé zircolè l'aria indortōra.

Aladò dles desposiziuns dl Govern y dla CEI (Conferënza di Vëschí dla Talia) pó **dai 18 de ma inant** indò gní dit mëssa y tigní funziuns cun la comunité tles dlíies, sambëgn cun les precauziuns scrites dant che gnará publicades.

PLOANIA DA SAN MARTIN

Da sègn inant ne pó nia plū gní sciurè le refodam o le ciomënt dan dlíia; al é te cortina na bëna ma por les ciandères, dōt l'ater patūc mës dūc se tó a ciasa.

PLOANIA DA LUNGIARÜ

Sègn che les restriziuns por le Covid-19 è gnūdes n pū' alisirades periunse dër bel che le penultim grup dl'ultima lista vègnes indò a puzenè la dlíia. Prëibel y dilan.

DE DLA UMA



*Fina é süa riüda y valënt so müs,
tlera y sinziëra sòn to tru da te condüj'.*

*Palsa sot l'odlada de tüa uma
sciöche te n'ambria frësca amez le cialt dl isté.
Palsa sot l'odlada de tüa uma
che te ciara y t'ó bun y n'ó te desmentié.*

*Tëndra süa parora che te mët indërt
y che stá dagnora ia do te inc' sò por l'ërt.
Palsa sot l'odlada de tüa uma*

*Bunes é sües opres, ion te tēgn süa man.
Mai ne t' mòi les ores che te stas a i dí dilan.
Palsa sot l'odlada de tüa uma*



www.valbadiaonline.it/comunitè

Plata dles Ploanies San Martin y Lungiarü

siur ploan Klaus Sottas 344 15 54 055 - ksottas@yahoo.de

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

10.05. – 17.05.20 nr. 24



5ª DOMÈNIA DE PASCA - A

Vangele do Jan 14,1-12

Te chël tēmp à Gejù dit a sù discepu:

Osc cōr ne se lascés nia turbè.

Cherdede te Dì y cherdede te mè!

Tla cíasa de mi Pere é l trōpes abitaziuns.

Sc'ara ne foss nia insciö, ves essi dit dailò:

I va a ves arjigné ca n post?

Canch'i sarun jü y ves arà arjigné ca n post,

vègni indò, y i ves condüji da mè,

por ch'i sèise inçe os, olache iö sun.

Y olache iö va – chël tru conescëise pö.

Tomesc ti à dit:

Signur, i ne savun nia olache te vas.

Cô désson pa spo conësce le tru?

Gejù ti à dit: Iö sun le tru y la verité y la vita;

degügn ne röia dal Pere ater co tres mè.

Canch'i m'arëis conesciü, conesciarëise inçe mi Pere.

I discepu ne scuta nia y ne s'acontentëia nia da ponsé: Ara sará pa bëgn insciö.

Ai damana impó y ti fej varëi le dërt a dūc chi che alda chësc vangele da ne s'architè nia te süa fede, mo da jí a funz y da damané inant.

Deache le tru da jí dal Pere n'é nia dagnora rodunt y valí;

gonot s'inrabëscion y an n'á plū degōna vōia da chirí le tru da jí inant.

"Móstresse le Pere" prëia Tomesc che é un de chi che n'é nia propi amesa la dlíia da ciasa y che se stënta ince ciámó do Pasca da cianté "Alleluia".

Tomesc y ince Filipus á ciáfé da Gejù respostes ch'ai ará pormó capí plū tert.

Mo Gejù á tut sües domandes söl sciode.

Chësc me dá l'ardimënt ince a me da ne resté nia ström,

mo da foré plū sot te mia fede y da damané do, tres indò. (Image)



TÈMP DE PASCA	SAN MARTIN Y LUNGIARÜ	 I periun do l'intenziun dl Papa por le mëis de ma I periun che i diacons sides te so sorvisc ala parora y ai püri n sègn de ispiraziun por dōta la Dlijia
10.05.20 5ª DOMÈNIA DE PASCA <i>Festa dla Uma</i>	10.00 Gran Mëssa por la Comunità a Lungiarü mëssa por defunc da Lungiarü: da San Martin: + Lidwina Clara, Peca + Tone Unterweger + Vinzenz Clara de Casper dl ann + Tone Tolpeit ++ Kathi y Johann Tatz ++ Nisio y Milia Clara <i>tl radio dla cōra da Lungiarü 93,7</i> 19.00 Devoziun/Corona de ma <i>da aldí tl radio dla cōra da San Martin</i>	Signur nosc Dì, tö es le creatur dl monn y de döt ci che é. Scínchesse n bun tēmp ch'al crēscēs y madorēscēs. Lascia dé ite i rais de to sorēdl, ch'ai scialdes le cōr y ilominēies le spirit. Lascia plovēi, che la forza y la freschēza de tūa ega purifichēies nosc daite da vigni mal y nes implēsces cun vita nōia. Lascia crēsce y garaté i früc dla tera. Bagna y scialda nūsc ciampoprà y nūsc urc, nūsc bosé y nostes pastōres y scōnesse dal ri tēmp, da rogossies y da tempestes, straverdesse dal gran cialt y dala sēcia, dal gran frēit y dales brojes. Benedēsc l'opra de nostes mans y de nosc ciorvel, nosc laur alaleria y daite, nūsc fistidi por i atri y dāsse le pan da vigni de. Dēidesse contribuí ala sconanza dl ambiēnt y dl clima che les generaziuns do da nos ais ince poscibilités de vita. I confidun te tūa providēnza. De döt ci ch'i ciafun da tūes mans te dijunse dilan y te laldun por Gejú Crist tl Spirit Sant. Amen. Signur, Dì dla vita, sot al pēis dl Corona Virus te periunse por dūc i amarà y i morc de chēsta coia, por i doturs y dūc chi che laora tles strotōres de assistēnza y de aiūt, por chi che governēia y á da tó dezijiuns por le dagní. Sostēgn chi che é rová te dificultés economiches, che á pordü le post de laur y la fontana de davagn. Recordete de chi che á da combate cun problems soziai y psichics por gauja dles restriziuns. Dēidesse cun to amur y to aiūt da superé chēsta crisa. Móstresse tū trus da pié indō ia y deuresse le cōr un por l'ater ch'i portunse pro ala costruziun de to rēgn d'amur y de pesc. Amen.
11.05.20 Lönesc <i>Walter, Iachin</i>	19.00 Devoziun/Corona de ma <i>da aldí tl radio dla cōra da San Martin</i>	
12.05.20 Dedolönesc <i>Pancraz, Achil, Imelda</i>	19.00 Devoziun/Corona de ma <i>da aldí tl radio dla cōra da San Martin</i>	
13.05.20 Dedemesaledema <i>Santa Maria da Fatima, Servaz</i>	19.00 Devoziun/Corona de ma <i>da aldí tl radio dla cōra da San Martin</i>	
14.05.20 Jöbia <i>Bonifaz, Costanz</i>	19.00 Devoziun/Corona de ma <i>da aldí tl radio dla cōra da San Martin</i>	
15.05.20 Vëndres <i>Sofia, Sonia, Isidor</i>	19.00 Devoziun/Corona de ma <i>da aldí tl radio dla cōra da San Martin</i>	
16.05.20 Sabeda <i>Jan Nepomuk, Ubald</i>	19.00 Devoziun/Corona de ma <i>da aldí tl radio dla cōra da San Martin</i>	
17.05.20 6ª DOMÈNIA DE PASCA	10.00 Gran Mëssa por la Comunità a San Martin mëssa por defunc da Lungiarü: da San Martin: + Iaco Mischì, Majuns (dl ann) + Helmut Dejaco (dl ann) + Albino Clara, Brocia (dl ann) ++ Carlo y Hannele Zingerle (dl ann) + siur Fonjo Clara + Roslinda Clara 19.00 Devoziun/Corona de ma <i>da aldí tl radio dla cōra da San Martin</i>	